

Primera carta de San Pablo a Timoteo

Timoteore Pablo ĩ papera cõare gaye

1 ¹⁻²Ñati yu baba Timoteo mu. “Quenajaro”, ya yu mure. Yu ña Pablo adi papera mure uca ñucagũ. “Yure masogũ yiguĩji Jesucristo”, yi mani tuoia yugu, ĩ cũru ña yu. Dios yure ĩ rotijare Jesucristo ocare goti ucuri masu ña yu. Tuoia Timoteo mu. Jesucristore tuorũnujaro yirocu, mure riasocu yu. Ito bajiri yu macu robo bajiro baja mu. Mani Jacu Diore mure yiari senia yu. “Ī queno ñaroca yiya. Īre ti maiña. Ito yicõri ñe oca manoti ĩ ñaroca yiya”, yi Diore seni ĩsisotia yu mure yiari. Mani Uju Jesucristore cuni ito bajiroti seni ĩsisotia yu mure yiari.

Ruore oca riasorãre tuorũnubesa, Pablo ĩ yire gaye

³Macedonia sita wacu, “Ado Efeso cuto tujaya mu”, yicu yu mure. Ito gãnare oca riojo riasomenare, “Jidicãña mua, yiya”, yirocu ito mu tujare amoia yu. Īna ñama, “Dios oca ñasarise riasorã ña gua”, yibojarãti ĩ oca riojo riasomena. ⁴“Wacurã oca riaso jidicãña mua”, yiya mu ĩnare. Ito yicõri, “Ado bajiro yiyijarã mani ñicusabatia, mua yi gotirisere jidicãña mua”, yi gotiya mu ĩnare. Iti oca ĩna gotija jaje ñacõri jedirise meje ña. Ito bajiri iti oca masare ĩna riasoja ricati riti ĩna tuoiaroca yirãji ĩna. “Cristore mani tuorũnuja ticõri, manire masogũ yiguĩji Dios”, yi masare mani riasore amoami Dios.

⁵Ito gãna gãmeri ĩna ti maire amogũ ito bajiro rotia yu. Mani ñeñaro yirise jidicãcõri Cristo sigũreti mani buto tuorũnuja, “Ñe seti ma yure”, yi masirãji mani. Ito bajiro mani yi masija gãmeri ti mairã yirãji mani. ⁶Dios oca ñasarisere jidicãrã ñari, ñe waja mani gayejuare tuoia busiama ĩna. Ito bajiro yicõri tuoia wisama. ⁷Moisés ñayoru rotirise riasori masa ña amoama ĩna. Ito bajibojarãti ĩnamasi ĩna tuoia busirise, ĩna oca riasorise cuni tuo masibeamã. “Queno riasorã ña gua”, yibojarãti ĩnamasi ĩna riasorisere tuo masibeamã ĩna.

⁸“Moisés ñayoru ĩ rotirise quenarise ña”, yi tuoia mani. Ī rotirisere masicõri, “Queno Diore cudibeã yu”, yirãji mani. ⁹Queno yisotirãre meje

ĩ rotirise cūñi Dios. Ñeñaro yirãjuare ĩ rotirise cūñi. Cudimenare, Diore ti terã, ñeñaro yirã, ñeñaro busirã, jacusabatiare sãrã, ito yicõri sãri masare cuni ĩ rotirise cūñi Dios. “Ñeñaro yirã ña mani”, ña yi masijaro yirocũ, ĩ rotirise cūñi Dios. ¹⁰Romiare ajerãre, ãmua comasiti ñeñaro yirã, gãjerãre ñiacõri ãmi warãre cuni, ito yicõri ruori masa, “Dios ĩ tiro riojo riojo gotia gua”, yi ruorã, ito yicõri oca ñasarise cudi amomenare cuni ĩ rotirise cūñi Dios, “Ñeñaro yirã ña mani”, ña yi masitoni. ¹¹Jesucristo oca quenarise iti ña ñasarise. Iti oca yũ riaso ucutoni yũre cūñi mani Uju Dios. ĩ sīgũti ñami rëtoro rucubhorũ.

Yũre queno yĩni Cristo, Pablo ĩ yire gaye

¹²Ĩ oca yũ riasotoni yũ oca sëoroca yami mani Uju Jesucristo. “Yũre tuorũnugũ ñami Pablo”, yicõri “Yũre moa ĩsijaro”, yirocũ yũre cūñi Cristo. Ito bajiri, “Queno ya mũ”, ya yũ ĩre. ¹³Iti rãmũju yũ ñeñaro ĩre busibojarocati yũre beseñi ĩ, ĩre yũ moa ĩsitoni. Iti rãmũju Jesure tuorũnrãre usirioro yisoticũ yũ maji, ito yicõri Jesure busitusoticũ. Ito bajiro ĩre yũ yibojarocati yũre ti maiñi Dios. “Yũ Macure tuorũnubicũ ñari ĩre ĩ ñeñaro yirisere masibeami Pablo maji”, yi masiñi Dios yũre. Ito bajiro yi masicõri yũre ti maiñi Dios. ¹⁴Yũre ti maicõri jaje queno yĩni mani Uju yũre. ĩre yũ tuorũnuroca yĩni ĩ. Gãjerãre yũ ti mairoca yĩni. Riti yũre queno yĩni ĩ.

¹⁵Ado yũ muare gotiroti riti baja. Ito bajiri mua tuorũnũja quena. Ado bajiro baja. Ñeñaro yirãre masorocũ adi sita wadiñi Cristo. Yũ ñacu gãjerã ñeñaro yirã rëtoro ñeñaro yicacũ. ¹⁶Ito bajiro yũ bajibojarocati yũre ti maicõri yũre masoñi Dios. Ito bajiro yũre yĩni Dios. “Gãjerã rëtoro ñeñaro yigũ Pablo ĩ ñabojarocati ĩre ti mai jidicãbisijũ Cristo. ĩre ti maicõri ĩre masoñi ĩ”, masa jeyaro ña yi masitoni yũre masoñi ĩ. Ito bajiro ĩ yijare, “No Cristore tuorũnrãreti ña ñeñaro yirisere acabojogu yiguĩji Dios. ĩnare masocõri ña catitĩnaroca yigũ yiguĩji Dios”, yi tũoĩa mani. ¹⁷Ito bajiri ĩre rucubtuotĩnarũja manire. Ado bajiro ĩre yi rucubtuorũja manire: “Mũti ña gua Uju catitĩnagũ. Godarocũ meje ña mũ. Sīgũ mũre tigorũ maquĩji. Nĩmũ mũ robo bajigũ maquĩji. Mũ sīgũti ña rëtoro masigũ”, yi rucubtuotĩnarũja mani Diore. “Ito bajiro bajitĩnajarũ”, ya yũ.

¹⁸Tũoya yũ maigũ Timoteo mũ. Yũ macũ robo bajiro tũoĩa yũ mũre. Ado bajiro rotia yũ mũre: Ñarocõti Dios ĩ mũre cũre ito bajiroti yiya mũ itire. “Diore queno cudigũ yiguĩji”, yiyjarã Diore goti ĩsiri masa mũre tũoĩa yurã. ĩna goti yuado bajiroti rãmũre cudibe yirocũ, Diore queno moa ĩsiña. ¹⁹Diore tuorũnũ jidicãbesa. Mũ tũoĩarise quenarise mũre iti gotija, tuorũnũña mũ itire. Coriarã ñama ña tũoĩarise iti gotibojarocati tuorũnumena. Ito bajiro yicõri Diore tuorũnũ jidicãma ña. ²⁰Ito bajiro yicã Himeneo ito yicõri Alejandro cuni. Diore tuorũnũ jidicãcõri ñeñaro busicã ña ĩre. Ito bajiri, Diore ñeñaro ña busirise jidicãjaro yirocũ, rãmũ ĩnare usirioro ĩ yi codeja camotabiticũ yũ.

Mani Diore senire gaye

2 ¹Cajero ado bajiro mure rotia yu. Masa jeyarore yiari Diore seni isiña. “Masare ti maiña”, yirocu Diore seniña. Ì masare queno yija ticõri, “Queno ya Dios mu”, yiya. ²Gobierno masare yiari Diore seni isiruja manire. Ito yicõri ujarã jeyarore Diore seni isiruja manire. Ito bajiro mani yija queno ñe oca mano ñarã yirãji mani. Ito yicõri Diore cãdi amorã ñari quenarise riti yirã yirãji mani. ³Masa jeyarore yiari Diore seniruja manire. Iti ña quenarise. Ito bajiro mani yija, manire ti wanugũ yiguji Dios, manire masoru. ⁴Masa jeyarore maso amogũ ña ñeñaro yirisere jidicãre amoami Dios. “Riojo ñasarise ña Dios oca”, masa jeyaro ña yire amoami Dios. ⁵Sigũti ñami Dios. Ñimã gãji ï robo bajigu mami. Sigũti ñami manire yiari Diore busi isigũ. Ìti ñami Jesucristo. Ì sigũti ñami Dios ñarã mani ñaroca yi masigũ. ⁶Jesús godañi mani ñeñaro yirise waja yi isirocu, mani jeyaroreti. Ito bajiro ï yijare, “Masa jeyarore maso amoami Dios”, yi tãoia masirã ña mani. ⁷Iti oca yu masare riaso ucutoni yure cũni Dios. Iti Cristo oca ñasarise judio masa mejere cuni yu riasotoni yure cũni Dios. Cristore tuorũnũjaro yirocu, ñare yu riasotoni yure cũni Dios. Cristore tuorũnũgũ ñari riojo gotia yu. Socabea yu.

⁸Coju ruyabeto masa Diore ña busire amoã yu. Diore rucubhorã amo ña ñumhoja, ña ya usiju Diore tãoia rucubhocõri ña yija quena. ña ya usiju gãjerãre tãoia junisinicõri meje yija quena. ⁹Queno tãoia cõri romia ña saya sãñare amoã yu. “¿No bajirojua yu sãñaja yure ti seyorã yirãjida umua?” yirã mejeti ña sãñaja quena. Jaje ti seyore gaye busabitiruja ñare. “¿No bajirojua yu joa quenoja ti seyorã yirãjida umua?” yimenati ña joa quenoja quena. Yure ti seyojaro yirona, perla wame cutirise, oro wame cutirise cuni busabitiruja ñare. Yure ti seyojaro yirona meje, saya buto waja cutirise ña sãñaja quena. ¹⁰No romia quenarise yirã riti gãjerã ña tiro riojo seyorã ñarã yirãji ña. Romia Diore tuorũnũrã quenarise riti yirã ñari seyorã ñarã yirãji ña. ¹¹Dios oca tuorona mua minijuaja romia busimenati ña tuo rujija quena. Riasori masure ña rucubhoja quena. ¹²Mua minijuari wi umuare romia ña riasore amobea yu. Mua minijuaja romia busimenati ña ñaja quena. Romia umuare rotimenati rucubhoja quena. ¹³Ado bajiro baja. Cajero Adán ñayorure rujeosoyiju Dios. Ito bero ï manajo Evare rujeoyiju. ¹⁴Adán meje ñayiju rãmú ï ruorisere tuorũnũhoru. Ì manajojua ñayijo rãmure tuorũnũhoru. Rãmú ï ruorise tuorũnũcõri ñeñaro yiyijo iso. ¹⁵Ito bajiri romia ña macu cutija ña tãoia bñjatobitiroca yami Dios. Ito bajibojarocati sigõ Jesucristore tuorũnu jidicãbeco gãjerãre iso ti maija, Dios amoro bajiro iso yija, ito yicõri ñeñarise iso ñemecutija isore masogũ yiguji Dios.

Dios oca riasori masa bajire gaye

3 ¹Ado yu muare gotiroti, riti ña. No Dios oca riaso amorã ito bajiro ña yija quena ña. ²Sigũ Dios oca riasori masu ï ña amoja ñe seti macu ï ñaja quena. Sigõti ï manajo cuti, ñeñaro yire ñemecuti, queno tãoia gũ ï ñaja quena. Ejarãre

boca ãmi tebicu ĩ ñaja quena. Ito yicõri queno riaso masigũ ĩ ñaja quena. ³Idire queagu meje, gãjerã rãca gãmeri tã ãmogũ meje, ito yicõri niyerure tuorũnugũ meje ĩ ñaja quena. Ado robojua ĩ bajija quena: Gãjerãre queno yigu, oca queno masigũ, ito yicõri niyerure tuo maibicu ĩ ñaja quena. ⁴Ĩ ñarãre queno goti masigũ, ĩ rãa queno cudiroca ĩ yi masigũ ñaja, ito yicõri ĩ rãa gãjerãre ĩna rũcubworoca ĩ yija quena. ⁵Sĩgũ ĩ ñarãre ĩ tirũnu masibeja, Diore rũcubworã minijuarãre cuni tirũnu masibicu yiguĩ ĩ. ⁶Gãjerãre Dios oca riaso ñarocu mame Cristore tuorũnũsogũ meje ĩ ñaja quena. Cristore tuorũnũsogũreti mani cũjama, “Yũ sigũti ña gãjerã rãtoro masigũ”, yi tuoĩaguĩi iocũ. Ito bajiro ĩ yija ĩ tuoĩa bujatobitiroca yigu yiguĩi Dios. Ito bajiro Satanás ĩ tuoĩa bujatobitiroca yiyiju Dios, “Dios rãtoro ñasagu ña yũ”, yi ĩ tuoĩare waja. ⁷Dios oca riasori masure masa ĩna tuorũnure ãmobeami Satanás. Ito bajiri gãjerã Jesure tuorũnumena cuni ĩna rũcubwogu ĩ ñaja quena. Ito bajiro bajigu ĩ ñaja gãjerã busitu masimenaji ĩre.

Dios oca riasori masure ejabuarĩ masa bajire gaye

⁸Dios oca riasori masure ejabuarã cuni ito bajiroti gãjerã ĩna rũcubworã ñaja quena. “Ado robojua yiana mani”, ĩna yiro bajiroti ĩna yirã ñaja quena. Idire quearã meje, niyerure tuo mairã meje ñaja quena. ⁹Iti rumũju Cristo oca masa ĩna masibitire queno ĩna tuorũnuja quena. Ito bajiro tuorũncõri, “Dios ãmoro bajiro mani yijare ĩ tiro riojo ñe seti mana ña mani”, ĩna yija quena. Ito bajiro bajirã ñacõri Dios oca riasori masure ejabuarã ĩna ñaja quena. ¹⁰Ĩnare mũ beseroto riojua, “Ãna ñama queno yirã. Ñe seti ma ĩnare”, mũ yi ti masija quena. Queno ĩna yija ticõri, ĩnare besegu yigujã mũ ĩja. ¹¹Romia cuni Dios oca riasori masure ejabuarã gãjerã rũcubworã ĩna ñaja quena. Ñeñarise ñemecutirã oca menimena, idire queamena ĩna ñaja quena. Ito yicõri, “Ado bajirojua yiana mani”, ĩna yiro bajiroti ĩna yirã ñaja quena. ¹²Dios oca riasori masure ejabuarã sigõreti ĩna manojo cutija quena. ĩna rãa queno cudiroca ĩna yija quena. Ito yicõri ĩna ñarãre cuni queno ĩna goti masirã ĩna ñaja quena. ¹³Ĩna moarise queno ĩna yija gãjerã rũcubworã yirãji. “Jesure tuorũnurã ña mani”, yirã ñari oca sãorã yirãji ĩna. Ito bajiri Jesucristore ĩna tuorũnure gaye, guimenati gãjerãre gotirã yirãji ĩna.

Gãjerã ĩna tuo masibiti gaye

¹⁴“Yoari mejeti mũ tũ wacu yigujã yũ”, yi tuoĩacõri adi papera mure cõa yũ. ¹⁵Ito bajibojarocati coji mũ tũ yũ ejabeja, Dios ñarãre ado bajiro mũ yi goti masitoni adi papera mure cõa yũ. Mani minijuaja Dios catitĩnagũre rũcubworona minijua mani. Dios oca ñasarisere rũcubworã ñari, “Riojo gotia Dios oca”, yirã ña mani. ¹⁶Ñasarise ña Dios oca gãjerã ĩna tuorũnũbitibojarocati mani tuorũnũsotirise. ĩ oca mani tuo masiroca yĩni Dios. Ado bajiro baja:

Manire bajiro rujũ cuticõri adi sitaju wadiĩni Cristo. Espĩritu Santo ĩ rotiro bajiro riti yisotiyijũ Cristo. Ito bajiri, “Ñeñaro ĩ yire ma ĩre”, masa ĩna yiroca yĩni Espĩritu Santo. Ángel mesa cuni ĩre ti

rũcũbũoyijarã. Co sita ruyabeto ï ocare riasoyijarã ïna. Ito yicõri co sita ruyabeto ïre tuorũnũyijarã coriarã. Ito bajiro bajija bero ïmacũju ïre boca ãmiyiju Dios. Itire mani tuo masiroca yĩni Dios.

Jesure tuorũnu jidicãre gaye

4 ¹“Adi macãrucũro iti jedi wari rãmuri coriarã Jesucristore tuorũnurã ñabojarãti ïre tuorũnu jidicãrã yirãji”, recoti manire gotiami Espĩritu Santo. Ado bajiro ñaro yiroja: Cristore tuorũnu jidicãcõri rãmũ ï rũoris riasorãre tuo sũyarã yirãji ïna. ²Ïnare riasori masa ado bajiro bajirã ñarã yirãji ïna. “Rũorã ya mani”, yi masibojarãti ïnare rũorã yirãji ïna. “Ñeñaro yirã ña mani”, yi masibojarãti itire tuoĩacõri bojori bũjamenaji ïna. ³Manojo cõtire gaye rãorã yirãji ïna. Coji gaye bare rãorã yirãji ïna. Ito bajibojarocati Jesure tuorũnurã mani baroti bare cũni Dios. Dios oca ñasarise tuorũnũcõri, “Queno ya Dios mũ”, mani yijaro yirocũ barere cũni Dios. ⁴Ado robojũa bajia: Ñarocõti Dios ï rujeore quenarise ña. Ito bajiri, “Adijũa ña bare. Adi ña bare meje”, yi rãobitirũja manire. Ado bajirojũa mani yija quena: Bare bũjacõri, “Queno ya Dios mũ”, yirũja manire. ⁵“Bare dise ruyabeto ña mani baroti”, yi gotia Dios oca tuti manire. Ito bajiri, mani baroto riojũa “Queno ya Dios mũ”, mani ïre yija, “Baya quenarise ña”, yigũ yiguĩji Dios.

Queno Jesucristore moa ïsire gaye

⁶Iti oca gãjerã Jesucristore tuorũnurãre mũ gotija, queno ïre moa ïsigũ ñagũ yigũja mũ. Dios oca ñasarise mani tuorũnurisere mũ riasoti jidicãbeja buto bũsa Jesucristore tuorũnu wacũ yigũja mũ. ⁷Bũcurã oca ïna tuoĩa rujeorere tuorũnũbesa. Dios ï cũre meje ña iti. Ito bajiri waja ma. Diore queno cãdi ãmogũ ï gayere riasotiya. ⁸Mani moaja mani ya ruja sãoroca ya mani. Ito bajibojarocati Dios gaye mani riasotija rãto bũsaro quena iti. Ï gaye riasoticõri mani ïre cãdija adi sita mani ñaroca, ito yicõri ïmacũju ï tũ mani ñaroca cũni manire queno yigũ yiguĩji Dios. ⁹Adi mũre yũ gotirise riti ña. Ito bajiri masa jeyaro ïna tuorũnũroti ña adi. ¹⁰“Catitĩñagũ ñami Dios”, yicõri ïre tuorũnũa mani. Masa jeyarore maso masigũ ñami Cristo. No ïre tuorũnurãre masogũ yiguĩji. Ito bajiri gãjerã ïna manire usirioro yi codebojarocati mani moaroti Dios ï cũre moarũja manire.

¹¹Adi oca yũ bũsirise masare riasocõri ïnare cãdi rotiya. ¹²Mũ tũ ñarã Jesure tuorũnurã ïna queno yitoni ïna tiro riojo quenarise riti yija. Quenarise riti bũsiya. Gãjerãre ti maiña. Cristore queno tuorũnũña. Queno tuoĩacõri quenarise riti yija. Ito bajiro mũ yija ticõri, mamũ mũ ñabojarocati mũre rũcũbũorã yirãji ïna. ¹³Yũ ejaroto riojũa masa ïna tuoro riojo Dios oca tuti ti gotiya ïnare. Ito yicõri ïna oca sãoroca yirocũ Dios oca riasoya masare. ¹⁴Mũ queno yi masiroca Dios ï mũre yire itire jidicãbesa mũ. Ito yũ ñaroca ïna ya ãmo moa jeocõri, “Adi ña mũ moaroti Dios ï cũre”, yicã Jesure tuorũnũsũoana. Ito bajiri mũ masiroca Dios ï mũre yire gaye yija mũ.

¹⁵Adi oca yu mure gotirise cudirocu tuorũnũña. Ito bajiro mu yija ticõri, “Dios ocare buto busa cudi masi wacu yami i”, yirã yirãji ña mure. ¹⁶Dise ruyabeto mu yiroto riojua queno tuoĩacõri mu yisotija quena. Queno riasorocu queno tuoĩaña. Dios ocare jidicãbesa mu. Ito bajiro mu yija mure masogũ yiguĩji Dios. Ito yicõri mu riasorise tuorũnurãre cuni masogũ yiguĩji Dios.

Jesure tuorũnurãre ùmatã ñare gaye

5 ¹Sigũ bucũgu ñeñaro i yibojarocati buto seõro yicõri goti quenobesa. Ado bajirojua mu yija quena: Rũcũbuore rãca ñre goti quenoma. Mu jacũre bajiro ñre rũcũbuoba. Mamarãre mu ocabaji mesa bajiroti tuoĩama. ²Romia bucũrãre mu jacore bajiro rũcũbuoba. Ito yicõri mamarã romiare cuni mu ocabajio mesa bajiroti tuoĩama. Quenarise riti tuoĩacõri ñare rũcũbuoba.

³Manũju godagoanare rũcũbuoba. Ña bojoro bujaja gãjerã Jesure tuorũnurã ñare ejabuaja quena. ⁴Ito bajibojarocati sigõ manũju godagoro iso rã ñaja, ito yicõri janerãbatia ñaja cuni ña isore ejabuaja quenaro yiroja. Ito bajiro rotiyiju Dios. Mani jacusabatia manire ti maicõri ña masore waja ñare mani ejabuaja quena. Iti ña quenarise, ito yicõri Dios i ti wanũrise. ⁵Manũju godagoro sigõti iso ñaja ito yicõri isore ejabuarã manija gãjerã Cristore tuorũnurã ejabuaja quena. Diore riti tuorũnũcõri ùmua, ñami cuni ñre senigõ yigõji iso. Ito bajiri gãjerã Jesucristore tuorũnurã isore ejabuaja quena. ⁶Manũju godagoro iso tuoia wanũ quenarise riti yigo ñajama, ejabũare ma isoõcõre. Catigo ñabojagoti godacãro bajiro bajiamo iso ñeñaro yigo ñari. ⁷Adi yu mure rotirise mu tu ñarã Jesure tuorũnurãre gotiya. Ña cudija ticõri, “Ñeñaro yama ña”, yi busitu masimenaji gãjerã. ⁸Sigũ i ñarãre, i jacusabatiare cuni i ejabuabeja, “Diore tuorũnũgũ ña yu”, yibojaguti ñre tuorũnũ jidicãru ñami iocũ. Gãjerãma Diore tuorũnumena ñabojarãti ña ñarãre ejabuarãji.

⁹Sigõ manũju godagoro Dios oca riasori masure gãjerã romia rãca iso ejabua ãmoja sesenta rodori rëto busaro iso tujago ñaja quena. Sigõti manũju cutigoro iso ñaja quena. ¹⁰“Queno yigoro ñamo iso”, masa jeyaro ña yigo ñaja quena. Iso rãre queno masogoro ñaja quena. Iso ya wi ejarãre queno boca ãmigoro iso ñaja quena. Gãjerã Jesure tuorũnurãre wanũre rãca iso ejabuagoro ñaja, bojoro bujarãre cuni ejabua, ito yicõri quenarise riti iso yigo ñaja quena.

¹¹Dios oca riasori masure ejabuarona mamarã busa manũju godagoanare cũbesa. Mamarã busa mu cũja mucana tũdi buto manũju cuti ãmobjacõri ña moaroti Cristo i cũrere jidicã ãmorã yirãji gajea. ¹²Ito bajiro ña yija, “Dios oca riasori masure ejabua ãmosotia gũ”, ña yiro bajiro yi tiomenaji ña. ¹³Gaje mure gotia yu. Jãjarã masa tu ña ucucõri teri jairã ñarã yirãji ña. Iti riti meje yirã ñarãji ñaõna. Oca socari masa cuni ñarã yirãji. Gãjerã ña busija tuocõri, rocati busi bato ãmorã yirãji ña. Ña busirotoni meje busirã yirãji. ¹⁴Ito bajiri mamarã busa manũju godagoana mucana ña tũdi manũju cutire ãmoa yu. Rã cuti, ña ya wi tirũnũ, ña yi ñare ãmoa yu. Ito bajiro ña bajija ticõri, gãjerã manire busitu ãmorã, “Ñeñaro yirã

ñama Cristore tuorũnurã”, yi masimenaji ñna manire. ¹⁵Coriarã manũju godagoana Cristore tuorũnu jidicãcõri Satanãsjũare tuorũnu suyama ñna.

¹⁶Jesure tuorũnurã ñna ñarã wato manũju godagoro iso ñaja ñna isore ejabuaja quena. Gãjerã Jesure tuorũnurã ejabuamenaji isore iso ñarã ñna ejabuacãjare. Manũju godagoana bojoro bujarãre ito yicõri ñimũjua ñnare ejabuagu manija ticõri, ñnare ejabuarã yirãji gãjerã Jesure tuorũnurã.

¹⁷Ito mu tu ñarã bucurã queno Jesure masirãre buto rucubũjoja quena. Ito yicõri gãjerã Jesure masirãre ñna queno ñmatã ñaja ticõri, ñnare rucubũocõri waja yija quena. ¹⁸Ado bajiro gotia Dios oca tuti: “Ta wecu trigo ajere i wi cãda codaja, ‘Bajaro i cuni jabeto’, yirona i ya rise sia biabesa”, yi gotia Dios oca tuti. Gaje ado bajiro gotia: “No moarãti waja bujarã yirãji”, yi gotia Dios oca tuti.

¹⁹Jesure tuorũnurãre ñmatã ñagũre gãji i oca menija, gãjerã i baba mesa i robo yirã manija cudibeja quena. ²⁰No ñeñaro yisotirãreama gãjerã ñna tiro riojo oca sãoro yicõri jidicã rotiya. Ito bajiro mu yija ti guicõri ñeñaro yimenaji ñna cuni. ²¹Ado bajiro mure rotia yũ Dios i tiro riojo, Jesucristo, ito yicõri ángel mesa cuni i beseana rãca: Sigũ mu baba i ñabobarocati ñeñaro i yija oca sãoro yicõri ire jidicã rotiya. Masa jeyarore coro bajiro mu rucubũjoja quena. ²²Dios oca riaso ñarocũ mu cũ ãmoja usiriobicuti mu beseja quena. Queno yigu i ñaja tirocũ usiriobesa mu maji. Ñeñaro yigure mu cũjama, “Ñeñaro i yigu ñabobarocati ire cũami Timoteo”, yirã yirãji masa mure. Ñeñaro yibe yirocũ, ñeñaro yirã rãca baba catibesa mũ. Gãjerã ñeñaro ñna yibobarocati coca ñna rãca ñeñaro yibeja mũ.

²³Tũoya Timoteo mũ. “Coji meje jeraga juni cõsotigu mu ñajama ide goti idibesa. Hyé ide cuni jabeto idiya”, ya yũ mure.

²⁴Coriarã ñeñaro ñna yirise recoti tia mani. “Masa ñna ñeñaro yirise waja Dios i seniri rũmũ ñnare waja senigũ yiguĩji”, yi tuoia mani. Gãjerãreama ñeñaro yirã ñna ñabobarocati recoti ñna ñeñaro yija tibeja mani. Ito bajibobarocati masa ñna ñeñaro yirise waja Dios i seniri rũmũ, “Ñeñaro yirã ñama ñna”, yi ti masirã yirãji masa jeyaro. ²⁵Coriarã queno ñna yirise recoti tia mani. Gãjerãma queno ñna yibobarocati recoti tibeja mani. Ito bajibobarocati masare Dios i waja yiri rũmũ “Queno yirã ñama ñna”, yi masirã yirãji masa jeyaro.

Gãjerãre moa ñsirã bajire gaye

6 ¹Jesucristore tuorũnurã gãjerãre moa ñsirã ñari ñna ujarãre ñna rucubũjoja quena. Ñna ujarãre rucubũobeja ticõri, “Ñeñaro yirã ñama Jesure tuorũnurã. Ñe waja ma ñna riasorise”, yirã yirãji gãjerã. ²Cristore tuorũnurãre moa ñsiri masa ñari ñna ujarãre ñna rucubũjoja quena. “Mani robo bajirãti ñama ñna. Ñnare rucubũomena mani”, yibitirũja ñnare. Ado bajirojua ñna yija quena. Ñna uju Jesucristore i tuorũnũgũ ñajare buto busa ñna moa ñsija quena. Jesucristore tuorũnũgũ i ñajare i ñarã bajiroti ñna ñre ti maija quena. Ito bajiri buto busa ñna ñre moa ñsija quena. Adi ito mu tu ñarãre mu riasore ãmoa yũ.

Niyerure tuo maire gaye

Ado bajiro ñare mu cudi rotire ãmoa yu: ³Mani Uju Jesucristo oca ñasarise iti ña mani tuorũnusatirise. Mu tu gãna coriarã manire bajiro tuoïarã meje ñama ña. Ricati tuoïama. Ito bajiro tuoïacõri ruore gaye oca riasoama. ⁴Ito bajiro riasorã ñama, “Gãjerã rëtoro masirã ña gua”, yirã. Ito bajibojarocati masirã meje ñama ña. Cristo gaye gãmeri busi tobua ãmosotiana. Gãmeri oca josama ña. Ito bajiro ña yija, masa ricati tuoïaroca yama. Masa ña gãmeri ti tudiroca yama. Masa ña gãmeri busituroca yama. Ito yicõri masa ña gãmeri tuo rucububobitiroca yama. ⁵Ñënarise tuoïarã ñari masa rãca oca josasotiana ñaõna. Oca riojo ñasarisere masirã meje ñama ña. “Dios oca masare mani riasoja niyeru jairo bujarã yirãji mani”, yi tuoïama ña. Ito bajiro yirã rãca baba cutibesa. ⁶Jesucristore mani tuorũnũrise buto ñasarise ña. Jairo rucomena ñabojarãti Cristore tuorũnucõri mani wanuja gajeoni jairã robo bajiro bajaia mani. ⁷Adi sita mani rujeaja ñe rucomenati rujeayija mani. Ito bajiroti mani godaja cuni ñe ãmi wamenaji mani. ⁸Mani bare cuti, yutabuju cuti, mani yijama, “Ñejua ruyabea”, yi tuoïacõa mani. Ito bajiri wanu quena mani. ⁹Gãjerãma niyeru jairo bujarona ñënarisere ñemecuti masibeama ña. “Ado bajiro ñënarõ yicuja yu”, yi tuoïabitibojarãti ñënarõ yisuoama ña. Ito bajiri ñënarõ yisucõri rocati quenabiti yi uya ãmorãji ña. Ñënarõ yi uyacõri itire jidicã masimenaji ña. Ito bajiri jeame ujuroju warã yirãji. ¹⁰Niyerure riti tuo mairã ñënarõ yirã yirãji itire bujarona. Niyerure mani tuo maija dise ruyabeto ñënarise yisurã yirãji mani. Coriarã ñama buto niyerure buja ãmocõri Jesucristore tuorũnũ jidicãrã. Ito bajiro yicõri ña ya usiju bojori bujama ña.

Timoteore Pablo ï rotire gaye

¹¹Ito bajiro ña yibojarocati ña robo yibesa muãma. Dios yagu ñari quenarise riti buto yiya mu. Diore riti rucubuoya. Ito yicõri ñe riti tuorũnũña. Gãjerãre tuo maiña. Tuoïa bujatobitiboguti Cristore tuorũnũ jidicãbesa. Gãjerãre rucubucõri ñare quenoti yiya. ¹²Ñënarõ yijaro yirocu, rãmã ï mure usirioro yibojarocati Jesucristore tuorũnucõri quenarise riti yiya. Ito bajiro mu yija ticõri, mure waja yigu mu catitĩnaroca yigu yiguuji Dios. Dios oca riasori masu mure ï curi ramu gua jãjarã tuoro riojo, “Cristore tuorũnũgũ ñari quenarise riti yi ãmoa yu”, yicu mu. ¹³Dios dise ruyabeto iti ñasotiroca yigu mure yu rotirise tuoguji ï. Jesucristo mani Uju cuni yu mure rotirise tuoguji ï. ï ñami guibicuti Poncio Pilato wame cutigu ï tiro riojo, “Dios ï cõaru ña yu”, yigu. Ado bajiro mure rotia yu: ¹⁴Yu mure rotirise ñarocõti cudiya. “Ñënarõ yami ï”, gãjerã mure yi busitube yirocu, yu rotirise ñarocõti cudiya. Ito bajiro yisotiba mani Uju Jesucristo ï ejarocõjuti. ¹⁵Dios ï ãmori rumuti tãdi ejaqu yiguji Cristo. Rëtoro rucubuogu ñami Dios. Rëtoro masigũ ñami ï. Ñimũ gãji ï robo bajigu uju mami. Ñimũ gãji ï robo rucuburocu mami. ¹⁶Ï sigũti ñami godabicu. Buto busuroju masa ña ejabetoju ñasotiami ï. Sigũ ñe tigorũ

maquiji. Ito yicōri sīgũ ãre tibicũ yiguĩji. Ñre rũcũbuotĩnarũja manire. Ñimũ gãji ã robo rētoro masigũ mami. Ito bajiro riti bajitĩñajaro ijarijũ cũni.

¹⁷Adi sita gaye gajeoni jairo rucorãre, “Gãjerã rētoro ñasarã ña gũa’, yibesa”, yiya ñnare. “Jaje niyeru rucoa yũ. Ito bajiri ñe rētabetoja yure’, yi tuoĩabesa mũa”, yiya ñnare. Yoari mejeti jedirise ña niyeru. Dios catitĩñagũre tuoũñucōri, “Iti ñami manire tirũñugũ”, yirũja ñnare. Mani queno wanũ quena ñatoni manire queno yigũ yiguĩji Dios. ¹⁸Gajeoni jairãre, “Quenarisejũa yiya mũa”, yi rotiya ñnare. Gajeoni bũja ãmore rēto busaro quenarise ña queno yire. Ñna ya niyerure tuo maimenati gãjerãre ejabũarona ñna ãsija quena. ¹⁹Ito bajiro ñna yija ticōri, masare Dios ã waja yiri rũmũ ñnare queno waja yigũ yiguĩji ã. Jogabiti gaye ñnare ãsigũ yiguĩji ã. Ito yicōri ñna catitĩñaroca yigũ yiguĩji.

Timoteore Pablo ã rotisũsare gaye

²⁰Tũoya Timoteo mũ. Ñ oca riasojaro yirocũ, mũre cũñi Dios. Ito bajiri ã mũre cũrũ ñnari queno riasoya. Rocati masa ñna tuoĩa rujeorere tuoũñubesa. Ñe waja ma iti. Ito bajiro busirã rãca gãmeri tuoĩa busibesa. “Bũto masire gaye riasorã ya gũa”, yirãre tuoũñubesa. Ito bajiro yibojarãti oca ñasarise meje riasoama ñna. ²¹“Bũto masire gaye riasoa gũa”, yirãre tuo sũyama coriarã. Ito bajiri ñnajuare tuo sũyacōri Diore tuoũñubeama ñna.

Dios queno yisotijaro mũre. Itocō ñna.